



Tir Yimym

www.tiryimym.in

Regd. No. RNI. NAGAAO/ 2004 / 13113. Postal-NE/RN-717.

e-mail : tiryimym@gmail.com

TAPAK 7

Yangia anidakangma :



Tir Yimym



tir_yimym



tir yimym

TAPAK 8

Turkey-i Erdogan den toktepsang Ekrem Imamoglu puogo

Jannik Sinner Hamburg nung ATP asayamung asayatsü

VOL. XXII ISSUE NO. 155 (ADOK 155) DIMAPUR YANGTEPNÜ (THURSDAY) METSÜREMI (MARCH) 20, 2025 ₹ 5.00

ECI-i Voter ID card den Aadhaar sendakteptsü

New Delhi, March 19, 2025 (Agencies): Election Commission of India (ECI)-i Electoral Photo Identity Cards (EPIC) den Aadhaar numbers sendakteptsü mapa renemdar.

Iba mapa iinyaktsü atema parnoki Unique Identification Authority of India (UIDAI) den asüngdangteptsü ta ECI-i metetdaksü.

Opposition party kari electoral rolls nung tim masüba indang tebilemstütem lemsatepba sülen ECI-i iba mapa inyaker. Mamata Banerjee-i aniba Trinamool Congress ajanga 'duplicate' EPIC numbers indang onük benoka liasü.

Iba tebilemstü atema March 18, 2025 nü Chief Election Commissioner (CEC) Gyanesh Kumar aser Election Commissioner tem- Dr Sukhbir Singh Sandhu o Dr Vivek Joshi nungeri Nirvachan Sadan, New Delhi nung senden ka ayonga amen.

Iba senden ya parnoki Union Home Secretary, Secretary Legislative Department, Secretary The Ministry of Electronics and Information Technology (MeitY) aser CEO, UIDAI den ECI technical experts den amen.

Indian Constitution nung Article 326 ajanga India sensotem nem dang voting rights agütsütsü lateta lir aser Aadhaar card-i nisung ka maitsü dang jangjatsür ta ECI-i Mongulbarnü ashi.

"Anungji Article 326 nung lateta aliba ama dang EPIC den Aadhaar sendaktepba mapa inyaktsü lemtetogo. Iba ya Supreme Court-i obendang agütsüba ama lir aser UIDAI o ECI nung technical experts tsüngda technical consultations tenzüksü" ta ECI-i metetdaksü.

Representation of the People Act, 1951 nung 2021 amendment ajanga EPICs den Aadhaar sendakteptsü temelaba agütsü. Iba nung ajemdaker ECI-i peii mulungba tangatetba nung voter dang nungi Aadhaar numbers meshitsü tenzük. Ajisüaka ECI-i EPICs den Aadhaar sendaktepba mapa ano metenzüki lir.

Iba mapa ya duplicate voter ID registrations asüba putettsü atema lir ajisüaka voter ID o Aadhaar sendakteptsüba ya mandatory masü.

ECI-i September 2023 nung Supreme Court dang 66.23 crore voters-i parnoki mulunga Aadhaar numbers agütsüogo ta shia liasü. India nung tang 99.2 crore voters lir.

TMC-i iba tebilemstü benokba sülen Election Commission-ia iba ya shitak ta agizükba metetdaksüogo.

State kar nung chief electoral officers-i EPIC numbers agütsüdang alphanumeric series tai amshi. Ajisüaka voter tem indang EPIC number kasa süaka demographic details, Assembly Constituency, aser polling booth information balala lir ta ECI-isa ashi.

BJP-i APFRA, 1978 pusema nungiter

Itanagar, March 19, 2025 (Agencies): Arunachal Pradesh nung Khristantem aser Legislative Assembly nung Khristan MLA temi Arunachal Pradesh Freedom of Religion Act (APFRA), 1978 anema lungkak aitba aser magizükba sülen Bharatiya Janata Party (BJP)-i iba Act kümzüka ayutsü atema maparen tuluba tenzüko.

Minister aser MLA tem dena BJP züngsemtemi district-level party workers aser public den iba Act indang jembir.

Waii International Hotel, Itanagar nung iba indang sentong ka agidang Urban Affairs & Housing Minister Balo Raja aser Tali MLA & Advisor to the Home Minister (Power) Jikke Tako nati anir olemtep nung shilem agia liasü.

Iba sensaksem sentong ya 18-Palin Mandal aser 20-Tali Mandal külemi ayongzük aser BJP lennirtem aden.

APFRA, 1978 atema atsütepba mapang ka BJP-i iba mapa tenzüka inyaker. Khristantemi iba Act ajanga religious freedom azüoker ta

ashir saka BJP-ibo tashiyim agi tamangba yimsü melendaktsüba noktangtsü atema Act ya nüngdaker ta ashir.

BJP-i outreach program tenzüka ya opposition-i jembiba aitsütsü aser iba Act kümzüka ayutsü atema lir.

Arunachal Pradesh nung iba Act atema o atsütepa jembiba mapang BJP lennirtemi district balala nung APFRA, 1978 pusemertem anidentsü terenemba lir.

Arunachal Pradesh nung Congress party-ibo APFRA, 1978 atema BJP sorkar aitsür.

BJP sorkari tamangba yimsü tsütsü mepetmesü adokdaksütsü meranger aser APFRA mapa tenzüksü merangba ya secularism aser minority rights anema lir ta Congress-i ashi.

"Küm 46 sülen Act asentenshi mapa tenzüksü ta asüba ya nüngdak mali aser iba ajanga lokti putepa aliba nung timtem agütsütsü. BJP sorkari iba Act ajanga kongshirtem den olemtep shitak magir saka mepetmesü ang adokdaksütsü ajungmesor" ta Congress-isa aitsüogo.

NSF-i SPIC MACAY kübok workshops agiba magizüker

Dimapur, March 19, 2025 (TYO): Kohima aser Dimapur nung shisaliok reju balala nung SPIC MACAY (Society for the Promotion of Indian Classical Music and Culture Amongst Youth) kübok workshops agiba aitsür ta Naga Students' Federation (NSF)-i metetdaksüogo.

Iba sentong ajanga bendanger sobaliba aser tamangba yimsü indang inyaksangshi benshidaktsütsü meranger anungji Naga lima nung iba sentong magidaktsütsü ta NSF-i ashi.

"Tangar tashi kar ajanga formal education tashi itdaksür ta tenüng amer asen lisopur maitsü menentsütsü aser sobaliba balaka benoktsü

merangba magizüker. Naga nunger sobaliba nung takar aser senmang balaka lir anungji onok libaliro nung kongshitsüsa inyakba mapatem magizüker. Ozü lisopur tangatetba den meputepba tamangba yimsü mesüra sobaliba sayutsü merangba ya onok temeten anema lir" ta NSF President Medovi Rhi aser Secretary Education Temjentoshi nati sangdong ka nung ashi.

"Talisa ibala workshops agiba ajanga kaketshirtem mapang amajok nung endoker aser parnok tangazüktsü tim mangazüker. Academic calendar yanglua aliba sülen anidakba den kaketshirtemi tanga tayongzükbatem ajurur anungji ibala sentong ayonga agiba ya tim

masü aser Naga nunger lisopurtem tejakleni aotsüba nung teyari kecha magütsür" ta NSF-isa ashi.

NSF-i school ketdangsürtem, kaketshirtem aser tsüraburtem dang asen Naga nunger senmang den meputepi maparen inyakba atema kümdanga alitsü ayongzükogo.

Parnokisa Naga rejutem nung SPIC MACAY workshops ajak anentsüla aser tarutsü nung Naga nunger den masüngdangtepi ibala sentongtem magitsü metetdaksüogo.

NSF-i Naga nunger kaketshir maitsü, temeten aser tarutsü atema maneni noktaksü aser onoki akhangba ama meinyakra kechi tim aji inyaka aotsü ta ketdangpurtemisa ashi.

Centre-i Assam nung US-standard highways ama yanglutsü

New Delhi, March 19, 2025 (Agencies): Centre sorkari United States nung standards menepa Assam nung world-class national highways yanglutsü atema Rs 3 lakh crore agütsütsü ta Union Minister for Road Transport and Highways, Nitin Gadkari-i metetdaksü.

Rajya Sabha nung Question Hour mapang ministry ket nung gari lenmang mapatongtem atema senotsü peria dang lir aser Assam nung highway network

khenyongi balaka melenshitsü ta Gadkari-i ashi.

Guwahati Ring Road: Iba lenmang ya December 2027 tashi nung Rs 5,800 crore endoka yanglutsü.

Brahmaputra River Tunnel, Dibrugarh: Iba ya Rs. 12,000 crore endoka yanglutsü sentong lir aser tang approval process nung lir.

Kaziranga National Park nung Elevated Highway: Cabinet-i agizükba sülen iba mapa

tenzüksü aser senotsü atema khuret kecha mali.

Item mapatongtem ajanga Northeast nung connectivity tajungba akümtsü, mapa adoktsü aser rongsenketzung renloktsü ta Union Minister Gadkari-isa ashi.

Centre-i Northeast nung infrastructure renlokaktsütsü tenangzükba lir aser PM Modi lenisüba kübok Northeast nem temulung kanga agütsür ta paisa ashi.

MCTE Yimyu-i Awareness-Cum-E-Waste-Collection Drive agi



ADC & CEO, MMC Chumlammo Humtsoe den Principal, MCTE, MS Mokokchung aser Town Councillors nunger MCTE, Yimyu nung bendenba E-Waste seret 800-1000 anasa agiba noksa angur.

Dimapur, March 19, 2025 (TYO): Mokokchung College of Teacher Education (MCTE), Yimyu-i Mokokchung nung tang mezüng atema Awareness-Cum-E-Waste-Collection Drive ayongzüka agiogo.

MCTE-i e-waste management nung mera tulu ka agia iba sentong ajanga public dang e-waste tebilemstü lemsatepba den recycling maparen nung shilem agitsü tayongzükba agütsüogo.

Sentong nung Additional Deputy Commissioner (ADC) &

CEO Mokokchung Municipal Council (MMC) Chumlammo Humtsoe aden aser Co-Founder & Managing Partner of e-Circle, Dimapur Bendangwala Walling-i e-waste management indang jembir.

Sentong nung Assistant Professor, MCTE Sekulu Nienu menden liasü aser Principal, MCTE Dr. T. Alemla Longkumer-i tesentepertem pelaa agizük.

MMC nung senotsü aser nübo peria maliba ajanga tayongzükba jenti ajurur ta Chumlammo Humtsoe-i ashi.

"Mokokchung nung Material Recovery Facility (MRF) ajanga plastic waste management nung temulung agütsür. Nübertemi pei pei kidang waste segregation shitak inyaktsüla aser iba ajanga waste management takok ngua inyakteter" ta pai ashi.

Iba sentong nung MCTE aser sendaktepa alirtemi e-waste seret 800 nungi 1,000 shi takok ngua bendenteta liasü. Iba ya awareness-cum-collection drive nung teimtiba bendenba lir ta e-Circle Dimapur ajanga metetdaksü.

DoSE ajanga EBRC blocks 23 nung training agütsü



Dimapur, Metsüremi/March 19 (TYO): Department of School Education ajanga school tekolak, SMC/SMDC chairman/secretary aser tsürabotem nungi teshimtet nisungtem nem community mobilisation kübok March 17-19, 2025 anogotem block level training and sensitization program agia jajatar aser phase mezüngbuba nung Phek district kübok EBRC blocks pezü, Kiphire district kübok EBRC blocks asem, Mokokchung district nung EBRC blocks pongu, Kohima district nung EBRC blocks pongu, Mon district nung EBRC blocks asem aser Zunheboto district kübok EBRC blocks pezü ayimjema liasü.

Iba mapang training aser sensitization sentongtem agütsü atema Directorate of School Education, Samagra Shiksha nungi ketdangsür aser Nagaland Education Project- The

Lighthouse (NECTAR) nungi teshimtet nisungtem yoka liasü.

Team trok lemsar EBRC blocks 23 awajemba nung Zunheboto team-i EBRC blocks pezü awajema liasü aser iba team nung Chungngam Konyak, Deputy Mission Director, Samagra Shiksha; Thepfunyunyu Solo, JEO Directorate of School Education aser NECTAR nungi Rokosieno Yano, Kanoho aser Vitasta nunger temi training sentong ya March 17-19, 2025 anogotem agia liasü.

Iba mapang shisaliok tsütsü stakeholders balala nungi nisung 333 arua dena liasü.

Iba mapang ketdangsür temi Department of School Education kübok inyakyim balala rateta ashi aser SMC/SMDC mapa aser inyakyim indang awareness training agüja liasü.

Chungngam Konyak, Deputy Mission Director,

Samagra Shiksha ajanga NIPUN Bharat, Kala Utsav, Library and reading Corner, Inclusive Educations, Automated Permanent Academic Account Registry (APAAR), Role of SMC/SMDC, Residential Hostel, PM-SHRI schemes, Vocational Education, Out of School children (OoSC) aser shisaliok tsütsü nüburtemi shilem agütsü nüngdakba indang lemsatep aser Thepfunyunyu Solo, JEO, Directorate of School Education ajanga DoSE tenüng nung PM-Poshan, ULLAS, Free text-Book and Uniform, Science Fair, Meritorious Scholarships and Awards indang onük nungi shisa lemsatep.

Maneni NECTAR tenüng nung Rokosieno Yano-i NECTAR project kübok maparen balala inyakba aser Performance Incentives Grant kübok senotsü teyari agütsüba indang lemsatepa liasü.

Dimapur DPDB senden March 20 nü amentsü

Dimapur, Metsüremi/March 19 (TYO): Dimapur District Planning and Development Board (DPDB) March 2025 atema senden March 20, 2025 anüngdang 11:00 ako nungi tenzüka Deputy Commissioner,

Dimapur indang Conference Hall nung amentsü, ta sangdong ka ajanga metetdaksü.

Iba senden nung züngsem ajak adentsü metetdaksüogo.

February 11, 2025 DPDB pangzüng nung Dimapur asoshi

ita shia DPDB senden ya ita shia anogo 20 nü buba nung amentsü renema lir. Anogo 20 nü buba ya Deobar mesüra sodi anogo ajurura, iba sülen mapa inyakba anogo nung senden ya amentsü lemteta lir.

Mokokchung nung Routine Immunization training agütsü



Dimapur, Metsüremi/March 19 (TYO): District Level Training on Routine Immunization Manual for Health Workers sentong ka March 19, 2025 nü Chief Medical Officer, Mokokchung indang Conference Hall nung agia liasü, kong shisalen sayur ya Dr. Limanaro DPO (UIP & RCH), Dr. Mhechekhro Mero Consultant WHO (RRT) aser Achila C VCCM nungertem liasü.

Sentong nung Dr. Sentizungla Marina Yaden, Chief Medical Officer Mokokchung ajanga pela agizükba o jembidang shilem agirtem danga iba training nungi angazüker pei mapa inyakba

tesem nung mapa kuma amshitsü ayongzüka liasü.

Dr. Imkong Temsu Longchar SIO Directorate of Health and Family Welfare Kohima ajanga iba training ayongzüka nukjidong lemsatepdang, vaccination noklang nung noklang shilem ayimjemtsü mechi health workers temi yimya tasen angazüksüla aser nüburtemi nüngdakba ama sentong yanglua amshitsüla, ta ashi.

Dr. Temsu-i training agirtem dang zero dose vaccination nung temulung agütsütsü ayongzüker aser Head Count Survey, Uploading and Reporting ya tongtipang lir, ta

shia liasü.

Dr. Limanaro DPO (UIP & RCH), Dr. Mhechekhro Mero Consultant WHO (RRT) aser Achila C VCCM nungeri Roles and Responsibilities of Health Workers in Routine Immunization, RI Micro planning, Safe Injection Practice, IPC and BMW, Conducting RI session and AEFI, Cold Chain and U-Win and VPD surveillance onüktem nung ajemdaker jembia liasü.

Iba training ya CHOs, GNMs, LHVs aser ANMs tem asoshi lir, aser March 10, 2025 nü Senior Medical Officers, Medical Officers aser DPMUs atema ayongzüksü.

Mon nung Weaving and Handicrafts training agütsütsü

Dimapur, Metsüremi/March 19 (TYO): General Manager, District Industries Centre Mon ajanga sangdong ka nung Mon district nung 12 atema Weaving and Handicrafts Training agütsü jangra alirtem dang nungi application meshiogo.

Cottage Industries Training Centre, District Industries Centre Mon nung training ya April 7, 2025 nü tenzüksü aser session 2025-2026 atema tetsür Weaving asoshi menden 10 aser tebur Handicrafts atema menden 10 lir.

Shimtetba candidates nem course mapang ita shia teyari sen 500 agütsütsü. Iba training ya self-employment asoshi lir. Training agütsü asoshi tajemba agi Class VIII pass sür alir

asütsüla. Jangra aliba candidate tem March 25, 2025 anepdang 10:00 ako nungi tenzüka General Manager, District Industries Centre, Mon nung interview agütsü aser iba atema Calling Letter balaka magütsütsü, ta sangdong ka ajanga ashi.

Candidate temi interview mapang nüngdakba kulizüng kaket tem original nung bener arutsüla, aji mesüra parnok candidature magizüksü.

Application den educational qualification certificate aser danga nüngdakba documents tem General Manager, District Industries Centre Mon nem March 21, 2025 tashinung agütsütsüla, ta sangdong ajangasa ashi.

Wokha nung Child Rights awareness sentong ayongzüker



Wokha nung March 19, 2025 nü Child Rights indang awareness sentong agidang tangokba noksa ka nung NSCPCR nungi ketdangsürtem aser sentong nung shilem agurtem angur.

Dimapur, Metsüremi/March 19 (TYO): Nagaland State Commission for Protection of Child Rights (NSCPCR) ajanga March 19, 2025 nü Tiya Hall, Wokha nung "Child Rights" indang awareness sentong ka ayongzüka liasü.

Chairman, NSCPCR Alun Hansing ajanga tayongzüka o jembidang, 2005 küm Indian Parliament nung Act ka agizükba aser 2007 küm iba commission kumteta ano state ajunga nung tenzükdaksüba indang rasaa ashi.

Iba Act ajanga Child Rights kumzüka ayuba dak sendakba policy aser sentongtem asameyanga meittsü Commission dang melar ta pai ashi aser Right to survival, right to education, right to protection, right to participation, right to development, right to health and wellbeing, right against discrimination amala tanur temeden asoshi Commission nem tashi agüja aliba indang lai rateta ashi.

Sentong nung Deputy Commissioner, Vineet Kumar, IAS ajanga jembidang, tila tanur temeden wazüka ayuba nung aibelenba dak sendakba ken o kechi sa adokdir District Administration, Police aser tim department teka amuoka ken

o benteter, anungji iba amala tatalokba lira teküratiba nung osang agütsütsüla, ta nübur dang ayongzüker.

Iba sentong nung shisalen sayur Lichani Murry, Legal Consultant, NSCPCR; Aying Wangsha, Member NSCPCR; Akumla Longchari, Memebr NSCPCR aser Lanuchuba, Protection Officer (IC) DCPU, Wokha nunger temi onük balala nung PowerPoint presentation agüja liasü.

Lichani Murry, Legal Consultant ajanga Juvenile Justice (Care and Protection of Children) Act indang onük nung jembi, Akumla Longchari, Member NSCPCR ajanga Protection of Children from Sexual Offences (POCSO) Act, 2012 indang angatetdakja jembi.

Aging Wangsha, Member NSCPCR aser Lanuchuba nati Rights of children with regard to education Vis-a-vis Right to education aser Status of child issues in Wokha district onük nung ajemdaker jembia liasü.

Iba sentong nung Chairperson, CWC Wokha, Mhonchumi Humtsoe menden liasü aser Yongchingkumla, NCS Secretary, NSCPCR ajanga pela agizükba o jembia liasü.



New Delhi, March 19, 2025: Bodhbarnü Parliament nung budget senden aliba mapang nung Parliament kima DMK MP temi Parliamentary constituencies delimitation anema longkak aitba noksa nung angur.

Miss World sentong asoshi sen cr. 200 lemozüksüba atema sorkar aitsür

New Delhi, Metsüremi/ March 19 (Agencies): Telangana nung Congress party-i aniba sorkari Miss World sentong asoshi sen crore 200 lemozüksüba sülen Bharat Rahstra Samiti (BRS)-i sorkar sashia aitsüogo.

Tawa Telangana Chief Minister, Revanth Reddy-i, sorkari itasen aser dearness allowance (DA) agütsütsü atema timtem ajurur aser state nung Miss World beauty pageant ayongzüksü atema sen peria mali, ta metetdakja liasü.

BRS lenir, KT Rama Rao-i X ajanga, state rongsenkettzüng jenjang mejungi liaka sorkari Miss World sentong ayongzüksü atema telemteba agi, ta aitsü.

"Hyderabad nung Formula - E race nung sen crore 46 indokbaji tim masü aser ibaji ajanga ken o aika menazüksü, ajsüiaka Miss World ayongzüksü atema nüburtem meyong sen crore 200 indokbajibo shidak asü? Iba ya kechi?. Rahul Gandhi, nai rasa-a ashitsü asü?" ta pai asüngdang.

Paisa, "Congress sorkari

Telangana nung ajak junga lir ama asenok nem amangdaksünir. Ibaji shidak asü nungbo kechiba ajungbena Chief Minister-i sentsüh crore 71,000 aliba metetdaksü? Telangana nokdaker asü laer?" ta asüngdang.

BRS-i mapang shia Congress sorkari senotsü junga ketdang mesütetba atema aitsür aser 2023 küm assembly election atema nüboyimba mapang tenangzükbä balala inyaksü atema senotsü tim mesüi amshir, ta aitsür.

Küm 10 tsüngda ED-i yimtenren lenir ana dang aitsü: Pankaj Chaudhary

New Delhi, March 19 (Agencies): Enforcement Directorate (ED)-i yimtenren lenir 193 anema ken o benoka bushisüngdangba nungi lenir ana dang aitsü, ta Bodhbarnü Junior Finance minister, Pankaj Chaudhary-i Parliament nung metetdaksü.

Rajya Sabha nung MP kati asüngdangba langzüdang minister-i, "ED-i MP tem, MLA tem aser local ketdangsertem den parnok party tem anema ken o benokba osangtemji party aser state sasep nung mebeden," ta metetdaksü.

Chaudhary-isa ED-i 2015 küm April 1 nungi tenzüka taküm February 28 tashi nung ken o benoka alibatemi küm sasep nung metetdaksü.

ED-i benokba ken o teimbaji (32) 2022-23 kümsük nung

liasü, 2020-21 kümsük nung ken o 27, 2019-20 kümsük nung ken o 26 aser 2021-22 kümsük nunga ken o 26 liasü.

Narendra Modi-i aniba sorkar kümsük (term) tanabuba nung ED-i benokba ken o teimba liasü, aser ibaji talisa 2024 küm Lok Sabha election agitsü jakdang liasü. Iba mapang nungji 2022 küm nungi 2024 küm tashi nung ken o 59 benoka liasü.

ED-i benokba ken o balala nung tesüiba küm 10 tsüngda yimtenren lenir ana dang aitsü-2016-17 küm mezüng yimtenren lenir ka aitsü aser 2019-20 nunga ka aija liasü.

Rajya Sabha senden nung CPM MP, A.A. Rahim-isa, tesüiba küm 10 tsüngda ED-i opposition lenirtem anema ken o benokba teimba aküm asü?

ta asüngdang. Iba tasüngdangbaji langzüdang Minister-i, Oppositon lenirtem anema benokba ken otem teimba aküm asü masüar ED ket nung osang mali, ta ashi.

Opposition lenirtemi, ED aser CBI ama central agency tem ya BJP indang washing machines lir, ta aija arudar.

Tamalen Indian Express osang ajanga ashiba agi, Opposition lenirtem 25-i BJP nung adenba sülenbo parnok anema ken o agiena liasü. Item lenirtem rongnung tang West Bengal nung BJP nungi Opposition lenir Suvendu Adhikari, Maharashtra deputy chief minister Ajit Pawar, taoba mapang Maharashtra chief minister Ashok Chavan aser Assam chief minister Himanta Biswa Sarma nunger densema lir.



March 19, 2025 nü New Delhi nung Raisina Dialogue 2025 nung External Affairs Minister S. Jaishankar-i jembidang tangokba noksa nung angur.



OFFICE OF THE
MERANGKONG SENSO MUNGDANG
P.O. TULI - 798618
DIST. MOKOKCHUNG : NAGALAND.

ASÜR ASOSHI TETUSHI



Dr. T. Senkalong Yaden
(April 21, 1935 - March 15, 2025)

Merangkong Senso Mungdang ajanga **Dr. Senkalong Yaden**, Mr. Takojungba Yaden (Merangkong) aser Mrs. Medemmakla Mollier (Mongchen) na jabaso, shiba dang "Man of Science" ta naroküm agüja liasü, Pa asüba osang angashia kanga sasaba lemsateper. Science lenmang nung len sayur ka, shisatsü sayuba nung temaba jenjang, aser ajak asoshi lenir ka 15th March 2025 anogo nung alima mapa ajak renemer taküm tempangogo.

Pa alima nungi pila aoba ajanga ozü Merangkong asoshi tesasatsü tulu, saka pa taküm ajanga sensosanger ajak talisa tarutsü putu ajak nung tesangwa lenmang aser tajungshi tulu yutsür.

Merangkong Senso Mungdang ajanga Mrs. Theola Thedford Yaden aser par chirnurtem ajak den kasa asüko lemsateper.

Sd/-
PUTIYANGER
President, MSM

Sd/-
OMATSUNGBA
Gen. Secretary, MSM

SC-i CEC aser ECs shimba dak sendakba ken o angadangtsü

New Delhi, Metsüremi/ March 19 (Agencies): 2023 küm latetba ozüng kübok chief election commissioner (CEC) aser election commissioners (EC) shimba dak sendakba nung Supreme Court nem temepishiba ken o aika agüja lir; ajioda SC-i April 16 nü item ken o angadangtsü.

Bodhbarnü Justices- Surya Kant aser N Kotiswar Singh nati akümba bench-i April 16 nü item ken o angadangtsü telemteba agiogo.

Advocate Prashant Bhushan-i Supreme Court bench dang item ken o ya rongdak süa angadangtsüla, kechiyong iba ya democracy tera lir aser iba ken o ya 2023 Constitution bench obendang lir, ta metetdakja liasü.

Justice Kant-i, Court-i item ajakji angateta dang lir, ajsüiaka anogo shia tongtibang ken o aika rongdak süa angadangtsüsa akümer, ta metetdaksü.

Melungtet telok - Association for Democratic Reforms (ADR) atema ken o jembitsür advocate Bhushan-i, 2023 küm Constitution bench obendang nung ajemdaker CEC aser ECs shimtsü asü meshimtsü?, ta asüngdang.

CEC aser ECs shimba committee nung züngsemtemji Ato kilonser, Opposition Lenir aser Chief Justice of India nunger asütsü asü committee

nungjagi Chief Justice of India züngdoktsü?, ta pai asüngdang.

Bhushan-isa, 2023 küm ozüng kübok CEC aser ECs tasen shimba nung Chief Justice of India züngdokba ya sorkari democracy ashiochtsüba lir, ta ashi.

Taküm February 17 nü sorkari Election Commissioner, Gyanesh Kumar Chief Election Commissioner menden atema shima liasü.

2023 küm ozüng kübok CEC mezüng shimbaji Gyanesh Kumar lir aser pa kümsükji 2029 küm January 26 anogo tashi asütsü.

Iba ozüng kübok Vivek Joshi election commissioner shim. Pa 2031 küm tashi Election Commission nung inyaksü. Iba ozüng kübok CEC aser EC tem arrshi küm 65 tashi inyaksü mesüra kümsük (term) küm 6 inyaksüa akok.

Bhushan-i, election commissioners ji Ato kilonser, Opposition nung lenir aser Chief Justice of India nungeri shimtsüla, ta ashi.

Tamalen melungtet telok ADR jagi, CEC aser ECs shimba nung Chief Justice of India züngdokbaji tim masü, kechiyong democracy tashi itta alitsü atema election commission nungji yimtenren aser executive tiyongtsüi maitdaksütsüla, ta ashi.



TIR YIMYIM YIMOBILEM (EDITORIAL)

DIMAPUR THURSDAY, MARCH (METSÜREMI) 20, 2025

Temelenshi arudagi !

Nagaland nung tang government aniba NDPP teloki nübortem dang 'temelenshi arudagi' (Change is Coming) ta teimla tajung aketba yimyim tuluka ayimokja election nung tangar yimten teloktem den tokteptsü tenzük. Aji oda, nübortemi parnokki nangzükba temelenshi tajungji aginüba agi election nung parnok pusema adokdaksü südi ta amanger. Atangji, election mapang Nagaland nung kari senyong aser kari mapayong ta pei vote ayoker, anungji election nung toktepertemi anguba vote-temji kanga agia sen aser mapa agi aliba vote teimba asütsü. Ibaji kodang bilemdangdir, sen aser mapa agi pei vote ayokertem asoshi sen aser mapa agi vote alirtemi bener arutsüba temelenshiiji tajungbo masütsü. Aji oda, ashiko, yimyim ayimertemibo temelenshi tajung bener arutsütsü bilema ayimoktsür asütsüa akok saka rongsen yong pei temeten ayokertem asoshi temelenshi tajung bener arutsütsübaji tebang agi jembiba ama mapa agi inyaksübaji temela masü, ibayongji temelenshibo aika bener aruogo saka temelenshiiji nübortem ajangzüksüba temelenshi masü saka akoksatsüba temelenshi dang aruba angur. Item rongnung, Nagaland nung taoba kümtem nung asenoki ngua temelenshi arubaji district asem nungi tenet, tenet nungi terana aser tangbo Nagaland nung district 17 tashi kuma lemsatsüba ya asütsü. Aji oda, state ka asoshi district tasen ka akümtsüba ya terenlok mapa tasaktiba aser tajungtiba ka asünungbo, linük nung Nagaland-i mezüng takok jenjang nguogo ta bilemdi. Aji oda, mapa tilateri adokbaji toktsür kum anasemka tsüngda Nagaland nung Deputy Commissioner post pungo adokbaji atamata masü. Ajisüaka, kodang asenoki iba temelenshi yagi bener arutsüba tajangzük indang bilemdangdir, tenüng agi district akümba dak alaka district mesüka nübortem nüngdak anepalutettsüsa inyaka aobabo mangur. Ashiko, district tasen aika kümyonga aoba agi nübortem talila ajangzüksü melen DC office-temang anepalu mesütet, sendenbo amener saka mapabo kecha tenzuka meinyakteter ta timtema alitsüa akok, kechiyong Nagaland asoshi nüngdakbaji district aika masü saka tashitemetet aser ochi aketba teindang nisungang aika nüngdaker. Ano, taoba kum ishika tsüngda Nagaland nung temelenshi tulu arua angubattem rongnung tuluba kaji, Naga nung yimten nüchiso bushir telok ana-semka liasüba nungi metsüsemmerka kumadokba ya asütsü. Temelenshi arudar ta ayimoktsü dangbo nübortemi Naga yimten tebilemtsü kokteta temelenshi tajung bener arutsü indang jembir südi ta bilemer alitsü, kechiyong temelenshi tajung arudar ta ayimtenba den külemi India den Naga yimten ken o jembibarena shitaklen odagi ta kasa ola agi ayimokja nübortemibo angashi. Ajisüaka, election mapang angashiba ama masü, India den Naga yimten ken o shitaklen jembia moutetba timtem angur aser Naga yimten nüchiso bushirtem telok ka kuma longjemtsütsü melen telok metsü semer kuma lemsatsüsa temelenshi ka bener aruba yabo asenok ajak asoshi meimlaba temelenshi tamajungang ka asütsü. Atangji, asenok aliba ya temelenshiba lima, anungji tang tashi nung Nagaland nung aruba temelenshiiji joko ojang ta masü saka ano temelenshiiji arupet arutsü. Ajisüaka, tangar lima nung atalokba ama temelenshi aruba ya pasasa aruba temelenshi masü saka asenoki asen lima asoshi tajung bilema teindang shisatsü aser tokolok agi apiteta bener aruba temelenshi asütsüla. Tanü asen lima nung rongdak nüngdakba temelenshiiji gari lenmang yangluba nunga masü, mozü aser school kidanga masü, light adokdaksüba maparen nunga masü, saka asenok dak aketba tiyazü mulungjang ya ochi agi melentsüla, ochimashiba teka ya ochishiba teka agi melentsüla aser pei agitsü dang metetba tangatetba ya arok agitsü aser ajungtsü metetba shisatsü teindang agi melentsüla. Aji oda, asenokbo 'Temelenshi arudagi' ta masü saka 'Onok ochishir kuma melenshiogo' ta asüba yimyimang nüngdaker. Iba temelenshiba yimyim mayimoktsütet tashi temelenshi arutsüba yimyim ajungaji takoksa aser timtem bener arutsüba yimyim aser temelenshi dang asütsü.

OLEMSABANG

TAKAR AKÜMTSÜBA LENMANG 5

~ K.Temjen Jamir

(Iba ocet ya Aoyimti Baptist Arogoi adokba 'Mitangru'
July-December 2024 adok nung angutsü.)

Tulur akümtsü asoshibo kaketshir aser lanurtem dang kidang tsüraburtem nungi shir yimsüsür aser lokti nung lenirtem ajaki ajungshir aser meranga azüngtsü lenmang tajung sayur, ajisüaka takar akümtsü lenmang sayurtem agi ajema lir, anungji tanübo yangi Aoyimti lanurtem den takar akümtsü lenmang kar lemsatepner.

1. Mulungtettsüla : Tulur kümnertemi kechisüdirsüaka ni IAS, IPS, IFS mesüra NCS , NPS-bosa akümtsü ta temulungtetba tulu nung alima nung akaba kakat tapu balala bendena azüng ama, takar kümnertemia kechisüdirsüaka ni takar akümtsü ta temulungtetba tulu nung mapa tulu tila kecha mali, azümesena melii meranga inyaksüla. Aji oda, takar akümtsü bilema yakta sakang, ki aser kima okang, soruchiokang, chipo aonpo aser auso marok shidokang, sü shiang, süng soang aser nai reprangtetba mapa ajak nai inyakang.

2. Pei jangraba mapa asütsüla : Takar akümtsü asoshi mapa ya tajungba ta kecha lateta maka, kar dokan amenba agi takar akümtsü saka karbo dokan amenba nung takoksa tulu angutsü. Anungji, takar akümtsü bilema asenibo mejangrar ser nung tangar jilu ajizüka asensasa asen kangshia kecha mapa inyak metenzüksüla. Kechi mapa südirsüaka kentena, jangratema aser nümadangdanga inyaksüsa aseni jangraba mapa ka asütsüla. Iba ama mapa jagi asen nem sen dang masü sen agi malizüktetba tepela bener arutsütsü, anungji asen mapa tenzük metenzükka tepela nung takar kümer alitsü.

3. Tangar asoshi nüngdakba ka asütsüla : Asen kija takar akümtsü bilema asen nüngdak asoshi dang inyakra takar mekümtettsü, kechiyong asen takar akümtsübaji asensasa masü saka tangari kümtsütsü. Ibaji kodang angatetdir, asenoki tangar asoshi tajung inyak tenzüksü aser tangar nüngdak bushiteta renemtsütsü aser tangar nüngdak yanglutsütsü. Aji oda, nüngdak asünungji itemji nüngdaktemji tangari asenok dang alitsü.

Atangji, takar akümtsübaji kümnüba kisüng agi akümtsüba masü saka mezüngbo asenoki asenoksasa timtem agia langkabo yanglutsüla mesüra ayok tenzüksüla. US nung Negro nung sensaker kibong nungi Samuel B.Fuller-i ki sema oa sapon ayok tenzükba nungi US nung par mapang paa takartem rongnung ka ta züngshitsüsa takar akümba otsüji, asenok ajak asoshi takar akümtsü angazüdak asütsü.

4. Temetetba alitsüla : Asenoki kechi inyaker aser kechi yanglur, item mapa indangji asenok dak temetetba alitsüla. Business nung temeteter akümtsü asoshi Technical, technology aser Management indang azüngtsüa akok. Itemji junga züngteter asoshibo mezüngzükdangyongi takar akümer. Ajisüaka, takar akümtsü atema temeteter akümtsübaji item kaketrejutem nung degree ngua mazünyonga, peisasa pei jangraba agi inyakdangba aser bushidangba nungi temeteter akümbajisa tashi tuluba aser tamshitetba asütsü. Anungji, kodang nü mulungjangi nai jangraba mapa tasen ka tenzuka inyaksü tajungshiba ka arudir, temenu, idangjisa tenzükang. Aji oda, alima nung khen mapang ka takartisang Bill Gates-ia graduate mesütet saka paiang computer nung Microsoft amshiyim yanglutet aser takar aküm; Henry Ford , Class 8 tashi azüngsangiang nashi aser kor gari melena tanü asenoki totzü tsüka amshiba garitem yanglutet aser takar aküm, Thomas Alva Edison tazüngba jenjang kecha maka saka pai mulungtetba aser jangraba mapa nung matsüngshii meranga inyak. Aji oda, pa mapa nung meyirijang terben tashi tamakok nguaka tezü madang aser tesüsa pai tanü asenoki amshiba tesangwa bulb, ola menüngokba aser noksa agiba osettem yanglutet aser paiang o junga jembitettsüsa telephone-a tajungba kuma yanglutsü aser takar aküm. Aji oda, pa 1931 kum asüdang pa akaba rongsen jenjang US dollar million 12 liasü. Tanübo aji dollar million 200 shi asütsü.

(Maneni asüng adok nung...)

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

Khristantem reshikangshiba atema US Congress-i Nigeria anema inyaksü mepishir



March 12, 2025 nü US Congress-i ayongzükba "Conflict & Persecution in Nigeria; The Case for a CPC designation" senden nung tangokba noksa nung angur.

March 19, 2025: U.S. House Foreign Affairs Subcommittee on Africa-i US Tir, Donald Trump dang Nigeria nung Khristantem kanga reshikangshiba atema iba linük anema tenokdangba balala benoktsü atema mepishitsü telemetba agiogo.

March 12, 2025 nü "Conflict & Persecution in Nigeria; The Case for a CPC designation" senden nung US Congress-i Nigeria nung sorkari Khristantem mekümzüktetba atema Nigeria sorkar sashia aitsü, ta International Christian Concern (ICC)-i metetdaksü.

Meimchir temeden atema inyakba organization aikati Nigeria nung Khristantem reshikangshiba osangtem sangdongba nung ajemdaker US Congress-i Nigeria sorkar aitsür.

2024 küm Observatory for Religious Freedom in Africa-i report ka ajanga, küm shia alima nung tepsetba Khristantemji shilem 90 bo Nigeria nung tepsetba lir, ta metetdaksü.

October 2019 nungi September 2023 tashi nung Nigeria nung kiralongrar telok balalai Khristan 55,910 tepset aser Khristan 21,000 puer oa liasü.

US Congress senden nung Committee Chairman, Chris Smith-i, Nigeria nung tensa kanga majung, ta metetdaksü.

Nigeria kübok Makurdi Arogo nung Bishop Wilfred Anagbe-i Nigeria nung Khristantem reshikangshiba osang tejangja metetdaksüba nung ajemdaker Smith-i, "Fulani

teloktem ya kiralongrartem lir. Parnoki auyar, kiojen rongdoktsür, nisung tepseter aser iba atemaji parnoki nüma tanga jembir. Parnoki nisung puer aoer, tashiyim amshia raksatsür aser ketdangsertemia parnok dang kecha mashir. Aibelenertem shinga pua temerenshi magütsü," ta metetdaksü.

International Christian Concern (ICC)-i ashiba agi, 2023 küm kija nunga Nigeria nung Khristan meyrjang aika tepset aser yimtsüng aika rongdoktsü.

Boko Haram aser Islamic State West Africa Province (ISWAP) ama Islamic kiralongrar telok balalai northeast Nigeria nung Khristan aika tepseter aser Islamic Fulani teloki north tsütsü Khristantem tepseter. Plateau, Benue, Niger, Nasarawa aser Southern Kaduna state tem nungbo Boko Haram dang nungibo Fulani teloki Khristantem teimba tepset.

U.S. Commission on International Religious Freedom (USCIRF)-ia, Nigeria nung security sepaitemi ozüng alema inyakba telok balala mazüokteter, aser tatalokba kar nungbo sorkar ketdangsertemi aibelenertem pusemer, ta metetdaksüogo.

Nigeria linük temzüng nung yimsü temeden kümzüksü lateta lir, ajisüaka Nigeria sorkari kecha meinyaktetba atema tebilemtsü akar, ta US Congress züngsemtemi metetdaksü.

U.S. House Foreign Affairs

Subcommittee on Africa-i, "Item ama tatalokba ya yimsü nung ajemdaker inyakba lir, aser ibaji tejangja. Yimsü nung ajemdaker inyakba ya anentsüla aser aibelenertem nem temerenshi agütsütsüla," ta metetdaksü.

Committee-isa Nigeria nung judiciary-ia Khristantem anema inyakba atema tebilemtsü akaba lemsatep.

Sharia ozüng kübok north tsütsü aliba state aika nung Tsüngrem mezüngmeshiba ozüng kübok Khristantem anema inyaker aser tatalokba kar nungbo tasüba temerenshi obendang agütsür.

Committee-i, "Nigeria linük temzüng nung tamangba yimsü temeden kümzüka ayutsü lateta lir, ajisüaka Khristantem reshikangshiba nokdangtsü atema Nigeria sorkari meinyaker," ta metetdaksü.

US Congress-isa taoba mapang US Tir, Joe Biden-i aniba sorkari Country of Particular Concern (CPC) nungi Nigeria agienba atema aitsü.

2020 küm Trump Tir asüba mapang nung Nigeria CPC list nung züngoka liasü.

Ajioda Smith-i Trump dang Nigeria tanaben CPC list nung züngoktsü aser iba linük nung Khristantem kümzüksü atema Nigeria Tir, Bola Tinubu den indangindanga jembiang, ta mepishi.

Meimchir temeden atema inyakba organization aikati Nigeria nung Khristantem reshikangshiba anentsü atema tangsa inyaksüla, ta rongshir.

Andhra Pradesh nung Hindu nungertemi Tenla ki asem mita ao

Metsüremi/March 19, 2025: Tawa Andhra Pradesh state nung Amongnü Khristantem tekülem sentong agiba mapang nung Hindu yimsü alia amangertemi Tenla ki asem mita oa timtem agütsü, ta International Christian Concern (ICC)-i metetdaksü.

Arogo lenirtemi, tang mezüng Andhra Pradesh nung khenyongi Tenla ki aika amaker, aser iba ya jelia asalentong yanglur inyakba asütsüa akok, ta metetdaksü.

March 9, 2025 nü Andhra Pradesh nung Bapatla district

nung aliba Arogo ka nung Pastor Dodda Ganesh leniba nung tekülem senong tagidak mapang nung police arua timtem agütsü, aser nenok ket nung tekülem agütsü atema temelaba agüja lir asü?, ta asüngdanga liasü.

Ketdangsertemi pastor dang tekülem agiba anentsü tuyu aser deputy superintendent of police ajuruang, ta metetdakja liasü.

Andhra Pradesh nungsa Satyasai district nung aliba Jerusalem House of Prayer nung Khristantem tekülem tagidak mapang nung Hindu yimsü alia amanger nisung 25

shi arua pastor aser Khristantem dang tekülem agiba anenang, ta tuyua liasü.

Kasa telok jagisa anasa aliba Grace Church-i oa Pastor Vinod Dua dang tekülem agibaji tangsa anenang, ta tuyua liasü.

Pastor Jacob Chandan-i, "Andhra Pradesh aser Maharashtra na nung akhidang nungi Khristantem tekülem sentong sademsadema agiteta aliba tesemtem nunga tangbo tensa tamajungba dang akümer. Police-i kecha mesüteter aser aibelener ajak aputsüji tasak ta dang ashir," ta metetdaksü.

ANOGO ABEN TSÜNGREM DEN

Tanen Maka Tetushi (T.Ken 47: 1-9)

Asenoki Tsüngrem tushibaji tanen maka tekülem lir. Asenoki iba ken ya onük balala asemsü nungi reprangtsü akok. Mezüngbuba, tesüiba otsü len nungi asenoki ibai reprangtsü akok. Hezekiai Sennacherib madak takok tulu anguba sayuba ken asem rong nung ibai ka lir (T.Ken 46-48). Kibubai Yihuda nunger asoshi kechi inyak? Pa alu (t. 1-4), atu (t.5) aser amen (t. 8,9). Ibai Kibubai asenok asoshi kechi inyak iba noksaji lir: Asenok temenen asoshi asütsü Pa alu, shia aru aser tang Kotak nung mena lir.

Asenoki ano iba ken tarutsü ainkar tsütsü nungi reprangtsü akok. Israel nunger Yakob timtem ajanga aotsüba liasü. Saka Yisu alu aser takok tulu angu (J.Adok 19), aser Israel Kibuba sentsüwangshia tushidaki aitsü. Tanü kin ajak ain adoker, saka tarutsü nung parnoki Pa tushitsü. Yisu arutsü aser pa yimli yangertsü aser Abraham dang nangzükba atalokdakja Pa nungi jakzükba jenti arentsü.

Mesüra iba ken tang mapa nungi reprangtsü akok. Tsüngrem külemba tetezü asen temulungjang nungi külemba aser tushiba ajak Pa nem agütsütsüba- Pa kechi lir ajak asoshi asenok kechi ajunga agi agizüktsüba. Iba ken yagi koda külemtsü ibaji sayur. Mezüngbuba, asenok tekülem teyongtsüji Tsüngrem lir (t.1). Asenok takoksang Tsüngrem külemer. Tanabuba, asenok tekülem nükjidongji Pa uludaktsütsüba (t.9). Asenoki Pa uluba tushitsüla. Tushibaji kuli asüba aser tekülem nung ajangshiba ka lir. Asenoki Kibuba ulutsüdi kechiaser asenoki Pa tushi dalang.

Tsüngrem tushiba nung mapang atakteta mali. Pa nüburi Pa tushir aser tushitsüla. Pa uluba ajungketsü asoshi asenoki Tsüngrem tushir. Nai Pa tushia külemer asü?

Alima tesem aika nung meimchirtemi Tsüngrem O atema tzürrar: SPCK

March 19, 2025: Tesüiba küm pongu tsüngda United Kingdom nung Laishiba ayokba anasü agi teimba kümogo aser United States nunga Laishiba kanga ayoker, aser ibaji ajanga alima tesem balala nung meimchirtemi Tsüngrem O atema tzürraba kuli jangjar, ta SPCK Group-i Nielsen Book Data nung ajemdaker metetdaksü.

2019 küm nungi 2024 küm tashi nung UK nung Laishiba ayokba shilem 87 agi teimba akümba den külemi 2023-24 küm tsüngda UK nungsa yimsü dak sendakba kaketterem-a shilem 3 agi teimba ayok. Kasa mapang nungji yimdangjem kaketterembo ayokbabo shilem 6 agi tajemba aküm, ta SPCK Group-i metetdaksü.

Circana BookScan book tracking data ajanga ashiba agi, küm ka tsüngda Laishiba ayokba shilem 22 agi teimba aküm. Southern Baptist Convention-ia, tesüiba küm ka tsüngda Laishiba ayokba shilem 30 agi teimba aküm, ta metetdaksü.

"Alima nung Tsüngrem O atema tzürraba kanga bulua akümer. 2024 küm January ita nungi September ita tashi nung Russia nunga Laishiba ayokba shilem 52 agi teimba aküm.

UK nung Bible Society-i, 2021 küm nungi tenzüka tang tashi nung Good News Bible: The Youth Edition anasü agi teimba ayok, ta metetdaksü.

SPCK Chief Executive, Sam Richardson-i, "Laishiba aika ayokba osangtem ajanga tamang aser yimsü dak sendakba nung temelenshi tulu adokba sayur," ta ashi.

Tawa British survey ka ajanga, Tsüngrem dak mamangertem ishiba aliba züngaji tainlonglongpurtem aser arrshi küm 20 ser temapurtem lir, ta bushitet.

Richardson-i, "Covid-19 ama wara balala aser mental health ajanga nisung aikati pei tamang jenjang indang kanga shisadanger," ta ashi.

Bible Society nungi Mark Woods-i, "Aikati Laishiba kanga nüngdakba bushiteter," ta ashi.

AO OSHI ANGAZÜKDAK:**TANÜ ANGAZÜKTSÜBA OJANG**

Telili

(v) ojang asayamenüang, temesüshi (stop jabbering, don't play)

* Tesayuri tanurtem dang telili ta ashi.

Telili

(v) o tali jembiba (talkative)

* Telili tetsüri medemertem rongnung meputep adokdaksür.

OLONG PAITEP # 7096

1		2				3		4		5
				6						
	7		8							
9					10			11	12	
			13			14	15			
16					17			18		
				19		20				
21		22								23
24										

TIPLIN

1. Saku - (4)
6. Songjen - (7)
7. Mali/Tazung - (4)
9. Tasen apok - (6)
11. Songtem - (3)
13. Ata liasü - (5)
16. Tzünglu den külemi tsüker - (3)
17. Aso tila - (6)
20. Tashi maküm - (4)
24. Tenüng kasa jatepba - (7)
25. Ki yangluba oset - (4)

LANGTSÜNGLEN

1. Taksep - (3)
2. Langtem - (5)
3. O tamendaktak - (4)
4. Nütsü tebuba - (3)
5. Anüngdang tesangwa - (3)
6. Apitet - (5)
7. Yagi jungdaksür - (4)
8. Anogo semer ka - (3)
10. ___ tatsü - (3)
12. Tebur kidong aser zünga kasatsüngdajatepba - (4)
14. Pela agizükba tapu ka - (5)
15. Tenüng atet - (3)
18. Mejanga onü - (5)
19. Talak techira - (4)
21. Maneni - (3)
22. Nübo teyi - (3)
23. Meshi - (3)

OLONG PAITEP # 7095 TELANGZÜBA**TIPLIN :**

2. Pongsen, 5. Lepko, 7. Omen,
8. Maongka, 10. Yangkhu,
12. Senpong, 14. Angu, 15. Raksa,
16. Arameso,

LANGTSÜNGLEN :

1. Alimang, 2. Pongen, 3. Samaru,
4. Nün, 6. Pio, 9. Nüngdak,
10. Yongya, 11. Kongro, 13. Ora,
14. Ata.



Tanur asoba anogo nung salem osang den noksa angati adokdaksünura - Tenüng, Küm, School, Talidak & salem osang tejangja zülur, noksa (photograph - any size) ka den anogo 3 mesüra 4 jelia e-mail : tiryimim@gmail.com nung yokang mesüra Tir Yimyim bureau tem nung agüjang.

Tepela Tasoba Anogo



1. Tenüng :
2. Tasoba anogo:
3. Küm : 4. Class :
5. School :
6. Talidak :
7. Salem osang :

Chowna Mein-i India nung deputy CM talangtiba inyaker**Itanagar, March 19, 2025**

(Agencies): Arunachal Pradesh nung Deputy Chief Minister Chowna Mein-i India nung Deputy Chief Minister talangtiba inyakba otsü yanglutetogo.

Mein-i July 17, 2016 nungi Deputy CM inyaksü tenzüka liasü aser tanü küm 8 ser anogo 244 abensaba ajanga India nung Deputy CM mapang talangtiba inyakba otsü yanglu.

Arunachal Pradesh kübok nübortemi pa nem iba alizüng atongba atema tenüsang agütsüogo.

"Nü lenisüba ya Arunachal

atema teimla aser tejakleni aoba milendong ka ama lir. Nai anibeleva inyakba ajanga onok ajungmesor" ta Bharatiya Janata Party (BJP) Arunachal Pradesh unit-i metetdaksü.

Chowna Mein-i Deputy CM inyaka arudang infrastructure development, sustainable energy, aser cultural preservation nung temulung agüja arur. Pa lenisüba kübok Arunachal Pradesh nung wadang balala nung tejakleni ogo.

Mein-i networks, bridges, aser transport facilities atema kanga meranga inyaker aser iba

ajanga state nung connectivity tajungba kümogo.

Paisa state nung hydropower projects tilala ajungketer aser iba ajanga power distribution system tajungba kümogo.

Mein-isa Arunachal nung Cultural & Heritage Preservation mapa tajung inyaker aser pai sobaliba maparen balala den lisopurtem kanga nungita arur.

Chowna Mein-i Deputy Chief Minister meinyakdang Finance Minister inyakba den portfolio tongti aika inyakogo.

Manipur nung taila voters 67,844 puteta agien: Biren Singh**Imphal, March 19, 2025**

(Agencies): Aadhaar den voter IDs sendakteptsüla kechiyong Manipur nung 2019 Electoral Verification Programme nung taila voters 67,844 jangjateta agiena liasü ta taoba Manipur Chief Minister N. Biren Singh-i ashi.

Taila voter 24,636 tashi district ka nungi dang liasü aser

iba ajanga election nung tim masü inyakba kuli agütsür ta pai ashi.

Election Commission-i Electors Photo Identity Cards (EPIC) den Aadhaar sendakteptsü lemtetba pelashishia agizüker aser iba ajanga election maparen nung tashishitep melii inyaka otettsü ta Biren Singh-i ashi.

Maneni, taila Aadhaar holders jangjatsüla kechiyong tesüba nung illegal voter registration ateam Aadhaar tim mesüi amshiba putetogo ta paisa ashi.

"Election maparen tip atemtsü atema chichiba Aadhaar holders dang voter IDs den sendakteptsüla" ta paisa ashi.

CM Sarma-i Assam nung Bihar Day amungba pusemer**Guwahati, March 19, 2025**

(Agencies): Assam Chief Minister Himanta Biswa Sarma-i Assam nung Bihar Day amungba pusema nungitba metetdaksüogo.


Iba anogo ya Uttar Pradesh, Bihar, Karnataka, aser Gujarat dena state balala nung amunger.

Assam-i Sukapha aruba nüngtem nung Assam Day amunger aser iba ya India nung dang masü saka Sri Lanka nunga amunger ta CM Sarma-i ashi.

Iba anogomung ya Assam arrtsü adena orr state balala nung Governor tem tsüngdang amunger ta pai ashi.

"Bihar nung Assam Day amunger süra kodaser Assam nung Bihar Day mamungsü? Bihar Raj Bhavan nung Assam Day amung tashi Assam nung Bihar Day amungba nung ashishitep kecha mali" ta CM Sarma-isa metetdaksü.

Raijor Dal amala political



telok kari Assam nung BJP-i aniba sorkari Bihar Day amungtsüba ajungmesoba aotsüba sülen CM Sarma-i iba osang metetdaksü.

Tanga state ka indang foundation day ajanga Assam maitsü meraksatsüla ta nisung

kari ashir.

Ajisüaka, CM Sarma-i state tem tsüngda sobaliba lemsatepba ya telemsa adoktsü atema masü saka longjemtsü atema mera agiba ama züngshitsü nenshia metetdaksüogo.

Gaza nung ano Palestine nunger 14 tepsetogo

Gaza City, Metsüremi/March 19 (Agencies): Mongolbarnü Gaza nung nisung 400 dak tema tepsetba sülen ango ka lir Israel-i manger mesangwa tsüngda Gaza amakba mapang Palestine nunger 14 tepsetogo.

Israel nunger sepaitemi Bodhbarnü southern Gaza nung Khan Younis aser Rafah amak aser north nung Gaza City kübok Sabra tesem maka liasü.

Pei talidak ki toktsür süki nung jenoka alirtem dena makogo aser iba mapang tetsür ka aser lar tanur tepseta liasü.

Israel army-i sangdong ka ajanga ashiba agi, parnoki Gaza north nung Hamas military tamendakdak ka makogo.

Israel nunger sepaitem Mongolbarnü Gaza kübok tesem balala maka Palestine nunger 404 tepsetba sülen Bodhbarnüa iba tesem makogo. Mongolbarnü asürtemrongnung timba tanurtem liasü. Israel military-i iba jenjang agiba ajanga Hamas den January 19 nü nungi ceasefire benoker aliba raksatsüogo.

Central Gaza nung Palestine nungertemi Deir el-Balah tesem nung mosque ka anasa ki ka amakba metetdaksüogo. Kasa mapang nung Bodhbarnü Israel nunger indang helicopter aser artillery-i Bureij refugee camp anütoklen tesem balala maka liasü.

Deir el-Balah nungi Al Jazeera osangbener Hind Khoudary-i ashiba agi, Israel-i teyari kecha magütsüdahtsüi tenokdangba agütsüba den electricity dena magütsüba mapang ka nung tang asendenshir tesem balala amakba ajanga Gaza nung aliba nüburtem tetsübu tulu nung lir aser parnok kechiang mesüi kümogo.

"Nüburtem yatzür agi menepogo. Parnok ket nung chiyongtsü mali. Palestine nunger 500,000 nem tzü agütsüba water desalination plant mapa minyaki kümogo, kechiyong Israel-i electricity magütsür," ta lai ashi. "Item ajak ataloka aliba mapang Palestine nungertem atema Gaza kübok tesem balala amakba ajanga mesoa liasü," ta laisa shisem.

Israel Ato Kilonser Benjamin Netanyahu-i Mongolbarnü ashiba agi, Israel nunger sepaitemi asendenshir Gaza amakba ya tetenzüker dang, aser rara nung nükjidadong koba Hamas pur meshi meshia samatsütsüba aser tepuokertem ajak kümzüksüba lir, iba ya matalok tashi parnoki meneni jenjang agitsü.

Israel military-i Mongolbarnü Gaza kübok

tesem balala amakba ya United Nations Secretary-General Antonio Guterres densema aikati aitsüogo. Guterres-i ashiba agi, Israel-i anüng ajanga Gaza amakba ajanga pa kanga mepelar.

China indang European envoy Fu Cong-ia, kanga meranga inyaker benokba ceasefire rakasatsüba atema kanga sasa bilemba lemsatép.

United States nunga ozüing yanglurtem aikati Israel-i Gaza amakba aitsüogo aser Senator Bernie Sanders-ibo, US-i joko Israel nem ojang dang military teyari agütsütsü ayongzüküa liasü.

Kasa mapang nung Israel nung opposition lenir aser taoba mapang Ato Kilonser Yair Lapid-i nüburtem dang Netanyahu-i aniba sorkar anema nokdaksü ayongzükogo aser "red lines" kecha maliba atema sorkar aitsüogo.

"Linük ajunga longjemer joko ojang dang ta asitsüla," ta Lapid-i Bodhbarnü X nung zülutsü. "Ni nenok ajak ayongzüküer - iba ya asenok mapang, iba ya asenok tarutsü, iba ya asen linük lir. Yimtung nung iba anema nokdakang," ta pai shisem.

Mongolbar nikongtsütsü Tel Aviv square nung Israel nunger meyrejang aikati longkak aitogo. Parnoki tepuokertem chiokdaksütsü atema sensaksem tenzükshitsü sorkar nem takhangba agüja liasü.

Gaza nung pua yua alir kinungertem tenüng nung nokdakba lokti tongtibai, ceasefire atema mulungteper aliba asa raksatsüba atema sorkar aitsüogo.

"Tanü Netanyahu-i Hamas atema molumi kishi lapoktsü masü. Pai onok temimbatem atema molumi kishi lapoktsüogo," ta Einav Zangauker-i ashi. Einav'er jabasoa pur aoertem rongnung ka lir.

Ceasefire atema sensaksem tanabuba shilem nung tanungba Israel nunger tepuoker 60 shi chioktsü aser teti atema ceasefire ka amenoktsü liasü, ajisüaka Israel-i ceasefire atema mezüingbuba shilem ya April tom tashi atsülanga atatsü asoshi benokba sülen sensaksem bangdaka liasü.

Ceasefire tenzükba sülen Hamas puri Palestine nunger tepuoker 2000 shi melena tepuoker semer shi chiokogo.

Israel-i ita 18 tashi Gaza amakba mapang iba tesem ya timba lenden kümtsüogo aser ki mozüki aser school tem aika ajasar lir.

Israel nunger sepaitemi Gaza nung nisung 48,000 dak tema tepsetogo, ta Palestinian health authorities-i metetdaksü.

Putin aser Trump jembiba sülena Russia aser Ukraine rarar



Kyiv, Metsüremi/March 19 (Agencies): Russia-i Ukraine energy sites nung tenük yokba anentsü ta Tir Vladimir Putin-i shir ghonda ishika lir Russia aser Ukraine kati ka indang ki o jen nung tayimtsü amshia maktep.

Russia-i amakba nung mozüki dena lir, ta Ukraine Tir Volodymyr Zelenskyy-i ashi. Russia leniri Mongolbarnü US Tir Donald Trump den phone ajanga jembidang ceasefire indang jembiba asangsang nung magizüker, ta Zelenskyy-i ashi.

Putin-i Trump dang Ukraine tembar linük temi mitkar tsütsü teyari agüja aliba anen nung dang ceasefire asangsang akumtsü ta ashi, koba Ukraine indang European allies temi taoba mapang magizük.

Russia south tsütsü Krasnodar region nung aliba ketdangsür temi ashiba agi,

Ukraine-i drone amshia amakba ajanga oil depot ka nung mi tilaka adok.

Energy infrastructure amakba anentsü Putin-i mulunger ghonda ishika tsüngta Sumy nung mozüki ka densema civilian infrastructure nung amak, ta Zelenskyy-i ashi.

Iba region indang sorkari iba teraksaba indang video prokshiba nunga mozüki ka nungi mokozü adoka liasü. Ajisüaka ketdangsür temi asü-amaba bo mali ta ashir.

Trump aser Putin tsüngta phone ajanga jembir ghonda ishika tsüngta Russia-i Ukraine anema drones 40 dak tema yoka amak, ta Zelenskyy-i ashi.

"Iba ama Russia-i ammanung amakdang ozü energy sector, ozü ki o jen samatsür aser Ukraine nunger akhi ama meliteter. Tanü Putin-i ceasefire atema onük benokba

magizük," ya Zelenskyy-i ashi.

Kasa mapang Russian defence ministry-ia yasüng Ukraine nunger drones 57 anüng nung menepa raksatsüba ya 35 bo Kursk arütsülen liasü ta ashir.

Ukraine den arütsülen Belgorod region indang governor-i tensa kanga mejungi lir ta ashi. Belgorod nung Ukraine sepaitemi alilen nungi amaktsü merang saka meyipa yok, ta Moscow-i Mongolbarnü ashi.

Trump den phone ajanga jembitsü kanga yongya ata, saka Putin-i Ukraine nung tangsa ceasefire alitsüba magizük aser energy infrastructure nung amakba kisüng anena atatsü mulung.

Tawa Saudi Arabia nung Trump'er teloki Ukraine nunger den yangluba ita ka ceasefire nung Russia leniri meyongnem agütsütsü memulung.

US-i Ukraine den jembishinüba ya Deobarnüa Jeddah, Saudi Arabia nung maneni alitsü, ta US envoy to the Middle East, Steve Witkoff-i ashi.

Ukraine indang energy infrastructure shilem 80 shi Russia nunger bomb agi raksatsüogo, ta Zelenskyy-i taoba küm September ita shia liasü.

Iba yongji Kyiv-ia meyiper Russia litsü telung nung totzü aser gas facilities nung drone aser missile amshia amak.

Turkey-i Erdogan den toktepsang Ekrem Imamoglu puogo



Ankara, Metsüremi/March 19 (Agencies): Ochimashi mapa inyakba aser kiralongrar telok ka yariba ken o nung Turkey-i Istanbul mayor Ekrem Imamoglu puogo, shiba Tir Tayyip Erdogan den tokteper tongtiba lir aser ibai tir tasenba anema mitkar tashi amshiba lir ta opposition ajanga Bodhbarnü ashi.

Kümsük ana mayor inyaka alisang anema iba mera agiba ya linük tesem ajungalen opposition nisungtem anema ken o benoka apuba nung shilem ka lir, koba election inyakyim nung timtem agütsütsü mechi inyaker ta aitsür.

Iba osang angazükli Turkey indang lira currency ya shilem 12 agi ajema dollar ka ya lira 42 alang akum. Ibai NATO züngsem linük, koba Erdogan-i küm 22 yimsü süa aru, yangji 'rule of law' samar ama nüburtemi bilemer.

Arishi küm 54 tain Imamoglu ya opinion polls kar nungbo Erdogan dang jenjang tajungba lir, aser pa ya anogo ishika tsüngta Republican People's Party (CHP) nungi tir indang candidate sangdongtsü liasü. Tang pa anema bushisüngdang temeja ana lir aser yangji mapa tamajung inyakba telok aniba, sübokrem amshiba aser tender rigging

densema lir.

Ketdangsür temi longkak aitba nokdanga lir aser police temi yimti yimtung kar shibangja liaka nisung 100 shi police station ka nung adenshi, kong Imamoglu pua yua liasü.

Ano longkak tulu aittsü sentongtem yanglua lir.

CHP lenir Ozgur Ozel-i opposition lungjemtsü ayongzük aser par party-i Deobarnü Omamoglu ya presidential candidate ama shimtsü, ta ashi.

"Turkey nung taruba tir anema mitkari tashiyim amshia yimden tashi rakzükba mapa inyaker. Yangi mitkar temi yimden tashi rakzüktsü merangba asenoki ajangshia lir," ta Ozel-i ashi.

Imamoglu ya Bodhbarnep kidang nungi police station-i aotsü renemba mapang pai meranga nokdaksü shia liasü.

Taruba election ya 2028 nung ang agitsü lir, saka Erdogan ya tir ka ama kümsük tanabuba tatakzük tongogo, pa aji masüdang ato kilonser inyaka liasü. Pai ano tir asoshi toktepnüra pa kümsük matemdang election jelia agitsüla, mesüra constitution melentsüla.

ALI TAYOKTSÜ LIR

1. Near Showuba fly over, no earth filling. @310 per. sq. ft.
2. 190 per. sq. ft. & 37 per. sq. ft.

Contact : 9863826159

ALI
TAYOKTSÜ
LIR

New Showuba Police Station
sülen @ Rs. 280 Per/Sqft.
Contact No : 8131884162

IPL: Kumar lenisüba nung MI pur mezüngbuba asaya asayatsü



Suryakumar Yadav

Metsüremi/March 19, 2025

(Agencies): Taoba küm Indian Premier League (IPL) tatembangbuba asaya nung mapang tali agiba atema Mumbai Indians' (MI) captain Hardik Pandya nem asaya ka tenokdangba agütsüba taküm mezüngbuba asaya nung benokba sülen pa Deobarnü Chennai Super Kings den asaya nung shilem magitettüsü.

Pa maliba mapang Suryakumar Yadav lenisüba nung team asayatsü, ta Hardik-i Bodhbarnü osangbenertem den sensaksemba mapang ashi.

Iba sensaksem nung team coach Mahela Jayawardene-a densema liasü.

"Suryakumar Yadav-i India team-a anir. Pai anir Mumbai Indians pur mezüngbuba asaya asayatsü," ta Hardik-i pa suspend sütsüba indang telangzüba agütsüba mapang ashi.

"Ni kanga tia taka kechiyong team nung Rohit (Sharma), Surya aser (Jasprit) Bumrah ta captain asem lir. Ni nüngdakba mapang ajak nung parnoki ni nongita yarir," ta pai shisem.

Ajisüaka Bumrah kodang

team nung adentsü aji mejangja. Pa tang tashi National Cricket Academy (NCA) nung lir ta Jayawardene-i ashi.

"Pa (Bumrah) dak sendakba nung NCA-i kechi shidir aji atatsüba dang. Pa NCA nung dang lir aser team nung yakta adentsü imla atar," ta coach-i ashi. "Pa maliba ya tetsükdaktsü ka lir, ajisüaka kar asoshibo iba ya parnok sempet sayutsü maongka tajung asütsü."

Taoba season menaba aibelen ka atema taruba season nung merenshiba temzüng ozüing dak sendakba nung Hardik dang pa tebilemba asüngdanga liasü.

"Ibajibo ni mazüoktettüsü. Taoba küm kechi atalokogo, iba ya asaya nung shilem ka. Onoki tatembangbuba over nung minute ka ser tesadang mesüra minute ana agi menoa liasü. Iba mapang nung kechi koda merenshitsu aji ni mejangjai liasü. Tia maka saka temzüng ozüing agi aji ashir. Anungji temzüng ozüing sülen ni anidaktsüla. Taruba küm kasa ozüing ya amshitsu mamshitsu ajibo ketdangsürtem dak keta lir," ta Hardik-i ashi.

MI puri 2012 küm nungi IPL nung mezüngbuba asaya khen danga koka mali, aser Hardik o Bumrah na maliba ya parnok asoshi takoksa tulu asütsü.

Jannik Sinner Hamburg nung ATP asayamung asayatsü



Jannik Sinner

Metsüremi/March 19, 2025

(Agencies): World number one Jannik Sinner, tenokdangba agütsür aliba mozü amshiba atema tenokdangba agütsür aliba aginba sülen May 18 nungi 24 tashi Hamburg nung asayatsü aliba ATP asayamung nung asayatsü, ta asayamung ayongertemi metetdaktüsü.

"Pa indang career nung tang mezüngbuba Jannik Sinner 2025 Hamburg Open nung tokteptsü," ta asayamung ayongertemi social media ajanga metetdaktüsü.

Par team-i aibelenba ajanga pa dak 2024 küm March ita anaben tashi tenokdangba agütsür aliba anabolic steroid clostebol putetba sülen arishi küm 23 taina sayar yagi February ita taitüsü agizüka item asem atema tenokdangba

agütsüba agizükogo.

US Open aser Australian Open tesüsabuba koker aliba asayar nem tenokdangba agütsür aliba ya May 4 nü tembangtsü aser iba ajanga pa French Open masaya tsüingda meyipa arur asayatsü maongka agütsügo. French Open ya küm nung tanabuba Grand Slam asayamung lir.

Hamburg nung iba clay-court asayamung ya Sinner asayashi tenzükba sülen tanabuba asayamung asütsü, kechiyong pa linük nung May 7 nungi 18 tashi Rome nung Italian Open asayatsü lir.

Sinner-i taoba küm French Open nung semi-finals tonga asayaogo. Taküm iba asayamung ya May 25 nungi June 8 tashi asayatsü renema lir.

BWF rankings: Malvika Bansod top-25-i iogo



Malvika Bansod

Metsüremi/March 19, 2025

(Agencies): India tsür Malvika Bansod tetsür kija asaya world badminton rankings nung jenjang pongu tejakdangi tua tang 23buba nung lir.

Malvika ya Saina Nehwal aser PV Sindhu na sülen India tsürtem rongnungi world rankings nung top 25-i aiba asayar tasembuba dang lir.

"Ni kü indang career nung tang tashi nung rank tajungtiba; BWF rank 23 atongtsü atema

kanga meranga inyakogo. Linük nem konang tetushi bener arutsütsü atema ni ano talangka aotsü lir. No coach, sponsor, ozü kibong dang kang pelar aser Tsüngrem taochi asoshi pelar. Kü dak tamang akartem dang pelar aser iba dak alia ni tajungba asayatsü atema ni ajungmesortem dang pelar," ta Malvika-i Basel nungi TOI dang ashi, kong la Swiss Open asayadar.

Badminton World Federation (BWF)-i sayaba

rankings nung Malvika 28buba nung aliba nungi 23bubai tuogo. Lai point 46,802 ngua lir. La All England Championships nung pre-quarterfinal tonga asayaba sülen lai point 4,800 ngua tang la indang career nung rank tajungtiba tongtetogo.

All England Championships nung mezüngbuba round nung tsükba sülen India tsürtem rongnungi No 1 asayar Sindhu 17bubai asepzüka luogo. Lai point 53,790 ngua lir.

Tang ranking update asüba sülen India tsürtem rongnungi Sindhu aser Malvika na maneni asayar tajungtiba lir. Anupama Upadhyaya (43rd position), Rakshitha Sree (45) aser Aakarshi Kashyap (48) nungera top-50 nung lir.

Sindhu aser Malvika nati Basel nung asaya anana kokra tena tetsür kija asaya quarterfinals nung ajurutsü akok. Mezüngbuba round nung Malvika Canada tsür world No.20 Michelle Li den asayatsü.

Tena tang tashi nung khen danga asayar lir aser iba asaya ya Malvika-i 18-21, 22-20, 9-21 agi mekoki liasü.

Miami Open: Osaka aser Kenin na tanabuba round-i iogo

Metsüremi/March 19, 2025

(Agencies): Mongolbarnü Miami Open tetsür kija asaya nung Grand Slam pezü koker aliba asayar Naomi Osaka-i 3-6, 6-4, 6-3 agi Ukraine tsür qualifier Yuliia Starodubtseva koka tanabuba round-i iogo.

Australian Open nung tasembuba round tonga asayaba sülen Japan tsür la yagi tang mezüngbuba asaya ka kokogo.

Indian Wells nung la mezüngbuba round nung Camila Osorio-i tsükdaktsü, koba lai ashiba agi la taküm nung asaya tamajungtiba asayaba liasü.

Tena tsüingda asaya ghond ana ser minute 28 asaya liasü. Mezüngbuba set makokba sülen tanabuba set nunga Starodubtseva 4-2 agi tejakdang liasü saka iba sülen

Osaka-i la nem asaya ka danga mekokdaktüsü iba set akok aser tasembuba set-a lai amokbanger asaya.

Osak tanabuba round nung Liudmila Samsonova den asayatsü.

Kasa asayamung tetsür kija asaya tanga ka nung Sofia Kenin-i 6-4, 7-5 agi Petra Kvitova kokogo.

Kenin, shibai 2020 Australian Open kokogo, la tanabuba round nung külem America tsür Coco Gauff den asayatsü, shiba taoba hopta tembangba Indian Wells asayamung nung round pezübuba tonga asayaogo.

Kvitova shibai 2023 küm Miami Open koka liasü, la tanur asoba ajanga mapang tatsüka masayai lir tang asaya tenzükogo, saka tang tashi asaya ka danga mekoki lir.

BILEMDANGANG

"Takok angutsü atema bilemba makazüi inyakang."